

卷七

子媳毆斃翁姑犯夫捏報及賄和分別擬罪

挾嫌謀殺幼孩部駁仍照十歲以上論

誤殺竊賊之案不得以疑賊有因遽予未減

剝取衣物聞拏投首擬流徒部駁仍絞

謀殺人從而加功並未聲明因何起衅飭令確審定擬

挾嫌糾衆搶奪銀錢因贓未逾貫經奉部駁擬軍

江西司

一件遵

旨等事

刑部咨廣東司案主江西巡撫先奏張楊氏

毆傷伊翁張氏子身死審明辦理招孀慶十

五年八月初四日奉

旨此案張楊氏毆斃伊翁兇逆滅倫該撫于審明後

恭請王命將該犯婦凌遲處死係屬按律辦理至

伊夫張青輝經該撫訊無縱妻違忤情事是日亦

未在家惟平日不能化導其妻釀成伊妻兇惡實
有應得之罪亦應引照例案酌擬候朕核定今該
撫摺內率請將該犯枷號一個月滿日重責四十
板祇係出自臆見並不引載例文未免輕縱着刑
部詳查律例定擬具奏如例無明文並着通查成
案比照定擬奏聞請旨欽此欽遵仰見我

皇上弼教明倫詳慎讞獄之至意臣等伏查子媳毆
斃翁姑之案如犯夫平日實無縱令忤逆情事
僅止不能管教具妻者例無治罪專條檢查嘉

慶五年五月臣部審奏高傅氏毆傷伊翁高大

身死一案將犯夫高奇山擬重責四十板奉

旨高奇山一犯雖于伊妻素日悍潑頂撞伊父屢經
毆責不悛但該犯平日果能教導其妻亦何至兇
惡至此且伊妻既經屢責不悛亦早應休出是該
犯平日徇縱其妻致釀此案僅責四十板尚不足
示懲高奇山着於高傅氏淩遲處所重責四十板
看視伊妻受刑後於犯事地方枷號一個月滿日
仍重責四十板以爲縱妻不孝者戒等因欽此又

嘉慶八年四月貴州巡撫福題李周氏咬傷伊
姑李紹氏致令忿激自縊犯夫李紹燮出銀賄
囑鄉約等匿報一案該撫將李紹燮依故縱罪
囚情重全科至死者絞監候律擬絞監候臣部
照擬題覆奉

旨李紹燮素知伊妻賊性强悍不能管教致伊母常
被觸忤已屬有虧子道迨伊母被周氏咬傷手背
忿激自盡該犯復布圖隱瞞竟將母棺殮並於隣
人傳明鄉約莫士漢等查知後賄銀囑囑來爲寢

息其瞿愛忘仇尤爲罪無可追李紹燮着卽行處
絞等因欽此是此二案俱蒙

聖明指示於高竒山僅止不能教導其妻則加以杖
枷於李紹燮瞿愛忘仇竟至賄和匿報則改予
立決集情定讞實屬權衡至當臣等敬謹遵行
在案此案張青輝現據該撫訊明平日並無縱
妻違忤情事當伊妻毆傷伊父時該犯在外工
作迫回家訊知卽將伊妻毆責細轉報官驗究
與李紹燮之賄囑匿報者不同惟該犯不能化

導其妻致釀逆倫重案則與高奇山情事相類
該撫卽應遵照嘉慶五年欽奉

諭旨將該犯於楊氏凌遲處所重責四十板令其看
視伊妻受刑後再於犯事地方枷號一個月滿
日仍重責四十板以示懲儆乃該撫率請將該
犯枷號一個月滿日重責四十板並未將前奉
諭旨於摺內聲敘殊屬含混應請

旨飭交吏部察議至張青輝一犯既未於楊氏正法
時先行重責自應酌加懲治張青輝應請枷號

兩個月滿日重責四十板恭候

欽定並請嗣後子媳毆斃翁姑之案如犯夫有匿報
賄和情事者應照李紹燮一案定擬其僅止不
能管教其妻實無徇縱者卽照高奇山一案治
罪俱恭援嘉慶八年欽奉

諭旨辦理等因嘉慶十五年九月初四日奉初八日
奉

旨依議欽此

加知府事有與年久

贈官其子孫世襲其爵

陳時部事其子孫世襲其爵

授官並衛尉其子孫世襲其爵

兩阿其子孫世襲其爵

直隸司

一起爲

奏聞事刑科抄出直隸總督溫題新安縣民人

謝張來挾嫌謀勒馮九鬼身死一案嘉慶十六

年八月初八日奉

旨三法司核擬具奏欽此本部議得據直隸總督溫

疏稱緣謝張來籍隸新安縣與馮郭氏同村

嘉慶九年間謝張來借用馮郭氏地基蓋房居

住言明俟寬有房屋歸還地基並無租價嗣馮

郭氏向謝張來催還地基不給曾與爭吵嘉慶十四年間謝張來出外傭工伊妻劉氏亦回母家是年七月間謝張來房屋被雨淋坍經謝張來回家瞥見疑係馮郭氏家不令居住用鋤刨毀心生氣忿當與馮郭氏不依爭吵併聲言總欲報復經伊父謝造明喝散謝張來因此懷恨欲行謀害洩忿嘉慶十五年二月初二日起更後謝張來趕集回家歸見馮郭氏之子馮九鬼在觀音堂門首玩耍謝張來觸起前嫌起意將

馮九兒致死洩忿隨將馮九兒哄至村外東嶽廟前謝張來將其仰面按倒馮九兒哭喊謝張來用左手指其咽喉致抓傷馮九兒右腮腴右手解下馮九兒袖帶套在馮九兒咽喉上執住帶頭肩負行走馮九兒兩腳蹬踢致將所穿鞋襪掉落道上謝張來憶及馮順係馮郭氏本家近支若將馮九兒屍身掠于馮順家離巴之內人必疑爲馮順圖謀馮郭氏家產將馮九兒致死遂至馮順門首放下馮九兒查看業已被勒

身死謝張來又因馮九兒所穿棉褲落在暨下
仍將勒帶爲馮九兒繫于褲上將屍捺入馮順
家籬巴內而回是夜馮郭氏不見伊子回家在
街喊找謝安等鄰同尋覓無踪初三日見馮順
之妻陳氏瞥見屍身喊同馮順往喚馮郭氏查
看時謝安孟哥法先後在干道士各拾得馮九
兒所掉鞋襪當給馮郭氏認明鳴同練總赴縣
稟報驗訊通詳一面差緝正兇馮郭氏因憶謝
張來曾有欲行報復之言疑係謝張來勒死卽

將謝張來指名控告差拘審訊謝張來堅不承認該縣楊岳東稟經批飭押帶犯証來省檄委東光縣知縣侯宗秩清苑縣知縣劉清連會審謝張來供詞仍行翻異并誣捏王康寧與馮郭氏有曖昧不明情事馮九兒被勒身死恐係王康寧因碍眼所致求提質訊復經傳提訊詳屢審供認不諱詰無同謀加功情事查謝張來因住房被雨淋坍疑係馮郭氏刨毀輒敢挾嫌謀勒馮九兒身死貽害馮順殊屬兇殘查已死馮

九兒訛係嘉慶五年九月二十二日所生千十
五年二月初二日被謝張來謀勒身死年雖十
一核計生年月日尙未足十整歲謝張來除誣
指馮郭氏并移屍貽害各輕罪不議外將謝張
來依例擬斬立決先行刺字等因具

奏前來查例載凡謀殺幼孩之案除在十歲以上
者仍照律辦理外如將未至十歲之幼孩逞忿
謀殺者首犯擬斬立決等語乾隆五十一年欽
遵

旨實爲定例是謀殺幼孩例內既稱未至十歲則九
歲以下始擬斬決如已至十歲卽應仍照凡人
謀殺未律擬斬監候方與例意符合至一切計
歲定罪之案總應以現在歲數爲斷卽如例內
七十以上十五以下犯流罪以下收贖八十以
上十歲以下犯死罪議奏取自

上裁所稱七十八十五十歲均以現在犯事年歲
爲準又如犯罪存留養親現已七十卽准留養
又如姦十二歲以下幼女照雖和同強論罪應

絞候亦以現年未逾十二歲爲斷若已逾十二
歲卽罪止枷杖罪名出人懸殊向來遇有此等
案件均應核其現在年歲並無扣足生年月日
辦理之文此案謝張來挾嫌謀殺馮九兒身死
馮九兒年已十一歲按例應擬斬候今該督以
馮九兒年雖十一核計生年月日尙未足十整
歲將該犯謝張來依謀殺未至十歲幼孩例擬
斬立決未免近于周內若如所題辦理勢必將
一切計歲之罪之案紛紛扣足生年月日核算